

KAYAWPHŪ ÈCÈCŌHTĪKŌHTĪ ÈRIÈKĚ THŪSĪTA (31) MŌ

Mai thĭ Kayawphŭli kŭtara...

Cèlā hajô tabā mē taritakē ô Cècŏhtĭ èkŏhtĭ nu tabā èkŭ.

Taritakē hajô toō mē, mathaka hŏ cō phĭni-tōni jŭkākĭ bă hŏ lŏsōba-i rŭ èkhĭnu dokēu hŏ laja taritakē ha hŏ kēnā thĭjāipō nā đŏ hŏ thĭnāipō nā nutoō. (è khŏmē thaka htĭghā èmièkhă, gholāpāpe èmièkhă, dēlă èmièkhă đŏ taphŭtali, takitakŭ èdŭ èsi nu toō). Cèlā hajô tabā mē, mathaka hŏ cō anā-i dā lô wa ta adŏhtŭlò Bicā èhtĭghā èrièkĚ, takhē-i-ma-i đŏ ma dŭhŏ-hŭhŏthă pa Kayawphŭ èle-jō ènākĭ nu dokēu hŏ mahtŭhŏ. Mathaka cèlā hajô tabā cō htŭhŏ dā nu, pa Khrĭthuphŭ-Kayawphŭli polo-phŭthā, èdŭèprā, đŏ pra ha è magumagē pa wa rŭhtă, tathĭghŭthĭjă nu toō, tamo bā lô nārŭkhŏ.

Tamōbā thĭkŭtara.

Ō Bicā èTaphĭtama èkŭ
Prakhègethă Cècŏhtĭ wa Kayawphŭ èJō

Cèlā hajô tabā mē Kayawphû èCècòhtĩ kòhtĩ, (èghlòdũ 1 - 22 ma) èrièkě èrikũ tabā. Taritakě ô sĭjě (15) mō.

1. Bicā bolò Kòjòmākhö
2. Bicā bolò Kòjòmāmū
3. Rũ dõ Eve
4. Bicā htõsahõja Adam dõ Eve ô Edĩ Re khlö
5. Caino dõ Abel
6. Bicā dõma Noah Thõklĩdũ
7. Bicā madũ bõgho Htĩ
8. Noah ô ô Thõklĩdũ kũ hõgethã ô khö
9. Bicā ma Noah wa èTalõghlò
10. Babylon We
11. Abraham èTasaklè
12. Bicā ma Abraham wa Talõghlò
13. Ishmael õlò
14. Isaac õlò
15. Abraham luhõi èPhũ Isaac wa Bicā

1. Bicā Bolò Kòjǒ Mākhǒ

Bă Bicā bolòhtǒ môkhũ dǒ hākhũ èkhī nu, è magu hǒ ghā haō. Thō-hũ nulǚ è dohō hǒ haō tōtō. Prasôlò-ā tamūtapā mē è ō hǒ dǎrǎ haō ècǎ tamūtapā mē è kēhō hǒ dǎgā haō tōtō. Htī ō hāla htuhōcō taramopě hā tũkũtikī nǎ.

Bănũèkhī, Bicā phī hā dokēu è bolò wa kòjǒ mākhǒ tara. È thunu rûnākhĩkũ wa taōthāmǒ dǒ è htũbra hǒ. Htǒtòkhò Bicā bolò thǒdǒ re ǒ Eden èghā ō lumũhō nu takhǒ. Ô rekũ hanu mē è makēhō thōmũ ha hǒ ādā èthā nu èmǒmō. Ô rethògho mē thōmũ ō ghimũ. Tamũ mē hǒ ā èthā numē è mathĩjǎi hǒ taèrũ dǒ taèrĩā haō. Tamũpe mē taōthāmǒ èmũthō. Ô rethògho numē htĩlodũ ō talo.

Bicā ka kòjǒ mākhǒ hanu tara dokēu è lèbē rû ō rekũ. È mālò rû, “Ô rekũ wajô numē na ādā lô thō kũtamũ èthā. Mēbũ ā komā ō rethògho nu tamũ èthā komā. Matètēdomē è mathĩjǎi na taèrũ dǒ taèrĩā haō èkhũècǎ ā komā. na dǒ ā depe tani mē na thōthĩbā,” Bicā do ènā.

2. Bicā Bolò Kòjǒ Mǎmũ

Bă kòjǒ mākhǒ ō-ô rekũ èkhĩnu, Bicā kē nā dǒ è nāthu, “Kòjǒ tara è lôbā pra magumagē nā khārā. Hě cô bolònĩ bũ nā èkhǒ,” è nāthu thakanu. Bicā phī hā dǒ è bolò taphũtali èmǒmō. È kalè rû ō kòjǒ mākhǒ ō dǒ è dōhtǒ rû mi. Kòjǒ mākhǒ hanu tara htǒ taphũtali èmi tamō htǒ tamō mēbũ ō taphũtali èkǎ ètǒ dǒ èra wa rũkhǒ nu ō nǒ dǎgā haō.

Bănũèkhī, Bicā masĩmĩ nā. Bă è simĩsǎdũ èkhĩnu, Bicā phĩhō èrōsu tama dǒ è mabĩthǎ rũkũ wa rũjā. Bicā phī rōsu hau tama dokēu è mahtũhō wa kòjǒ mǎmũ tara dǒ è kalè rû ō kòjǒ mākhǒ ha nu tara ō. Bă kòjǒ mākhǒ sathèrè kèhtĩ kòjǒ mǎmũ hanu tara èkhĩnu, “Èsu mē hěsu! Èjā mē hējā” è do.

Bănũèkhĩmē ètakũtatho ō hǒ rũkhǒ dǎgā haō. Mēbũ tathòròthòbla ō hǒ haō ècǎ, tara dǒ tara è lòthòrò gǒ hǒ rû haō. Kòjǒ mākhǒ hanu tara mē Adam dǒ kòjǒ mǎmũ nu tara mē Eve.

3. Eve Dǒ Adam Khǎbǒ Bicā Ètamālǒ

Bicā bolǒ taphũtali kũtagā èkǎ, èthĩnā dǒ èplāèblǒ ghũtũ mē rũ. Tinitathǎ, è lèbā Eve ô rekũ dǒ è lè rũ, “‘Ā komā thǒ ô rekũ hajǒ toō èthā,’ Bicā do thĩ ò?” è lè rũ. Eve dothǎ nā, “Pa ā dā lô tara thǒ ô rekũ hajǒ toō èthā. Lèmēbũ pa ā dā haō mē ǒ rethògho hanu tamũ èthā. Hǒ pō nũ hǒ pōbũ pǒdǎ haō tǒtǒ. Matètǔdomē, ‘Ā komā thĩdǒ ā depe tani mē thĩthǒ thĩbā,’ Bicā do” è dothǎ rũ.

Mēbũ rũ dothǎ nā, “È plā tara thĩ. Mē thĩ dǒ-ā depe tani numē thĩmôghĩ thǒ lĩrǎkhǎhǒ dǒ thĩ tathĩghũthĩjǎ thǒǒhǒ thaka ènā nu dokēu ‘Ā komā,’ è do towǎ thĩ,” è do rũ.

Bǎnũèkhĩ, Eve kē thǒ hanu tabǒ dǒ ègrābā rũ. Èthā nulǔ è cǒdũdũ mathǒā rũ. Eve ade thǒ hanu tabǒ èthā dǒ è ā rũ. È ge î-āpā dǒu wa èwũ Adam.

Bǎ è ā hǒ thǒ hanu tabǒ èthā rũkhǒ èkhĩnu, èmôghĩ lĩ-rǎkhǎhǒ mēmē dǒ è thĩjǎi hǒ wa ètakũtatho ō rũkhǒ haō. È lòthòrǒ to rũ tara dǒ tara dokēu èphĩ dulā dǒ è ma wa ètakũtatho rũkhǒ.

4. Bicā Htōsahōja Eve dō Adam Ô Eden Reklhō

Bă Eve dō Adam āmă jahtō thōthā èkhīnu, lumū khlalò dokēu Bicā lōnu ô Eden rekū. Dō bă è kēnāhō rūkhō Bicā lō èkhīnu è-ō huja Bicā ègholā. Bănūèkhī Bicā lè Adam, “na ō wa ā tè?” è lè rû. Adam do thă Bicā, “Bă hě kēnāhō najōnu, hě takūtatho mē è ō haō dokēu hě thòrò dō hě sisă naghōlā,” è do.

Bicā dothă nā, “natakūtatho ō hō do na tholè? Ā komā thō hanu tobō èthā hě do na mē na ā jahtō ò?” è do rû. È dothă Bicā, “Mē na bēnī hě māmū nu tara è î-ā hě dokēu hě ā.”

Bănūèkhī Bicā ka Eve dō “na ma thākanu mētè?” è lè rû. Eve dothă nā, “Mē rû akē hě dokēu hě ākhē” è do.

Bănūèkhī Bicā do rû, “Taphûtali kŭtagā èkă, na nu na khōbā tasūgè. Hajô tani cōlè na bā sa tara wa naphū. na bā sagūtūgrūi tara nanādū. na bā ā tara hāmū tūgūbra. na dō māmū mē hau, māmū èsūèlě dō nasūnalě mē hau hě thō ma thīthaka thī mē rû dēdōrōkha nu. Māmū èsūèlě thō jīlōprī nahūkô dō na thō ghō èkhōnēkō,” è do rû.

Bă è dohtō rû thakajô nu, è do thōdō Eve, “na numē na thōkhōbā gīgu bă naphū thō ō èkhīnu. na tathōjū kŭtagā mē è thō kē tarawa nawū ètathōju. na bā ō tara ô nawū ètaūipèi èlōla,” è do rû.

Bă è dohtō Eve thakajô nu, èdo thōdō Adam, “na numē ‘Ā komā thō hanu tabō èthā,’ hě do na mēbū na kēnā namă èjō ècă, nakhūnacă hākhū thō khōbā tasūgè. Hajô tani cōlè tasīsomū thō dohō ô hākhū kŭtrawā. na numē, na thō ābā tara hākhū èphōèthā. Mathāka na cō ābā hākhū èphōèthā nu, na thō masōrě-bēthōbā tara taphītama. naghāghūhtī ô na mehtōlo bālōhtētō ô nakhōmūkhī bătě, na ku ābā nō hākhū èphōèthā. na nu, na ō tara ô hā lè èkhūècă na bā htūgethă tara wa hā,” è do rû.

Bă èdo lôhtō rû rūkhō thākajô nu, Bicā manī Eve dō Adam ètakūtatho wa taphe dō è htōsahōja rû ô reklhō. Mathaka è cō lēbūhtī dō ānī thōdō taōthāmō èmūthō èthā haō nu, Bicā htōlò kējawa ètranăphū htīhtū wa tarètacū.

5. Adam Dỗ Eve Èphûmākħō Thòghli

Bă Bicā htỗ saħỗjahtỗ Eve dỗ Adam ô Eden rekhỗ òkhĩnu, è lò ògũ rũ dỗ èphûmākħỗ ò thòghli. Eve do, “Bicā magẽ hẽ dokẽu è î hẽphũ,” è do dỗ èdũ nutara mẽ è htỗ rũmi wa Caino. Ègãũ nutara mẽ è htỗ rũmi wa Abel. Bă Caino dỗ Abel dũhỗ òkhĩnu, Caino mẽ pra sôlòã tamũtapã dỗ Abel mẽ pra bũ-i thỗ.

Tani, Caino phĩ ètaphỗtathã dỗ è lèluhỗi wa Bicā. Abel mẽ è phĩ èthỗ ha è òlò rĩkũ dỗ èbũèthũ khlỗnu tadỗ dokẽu è mathĩ rũ. È phĩ rũjã ha ègãèrĩkã nu dỗ è luhỗi dõu wa Bicā. Bicā thỏjũnĩ Abel ètaluhỗi mẽbũ è thỏjũnĩ Caino ètaluhỗi haõ. Bãnũèkhĩ, Caino kễthũkễthò dỗ èmỏghĩ-nãkhĩ htame. Bicā do nã, “Caino, na kễthũkễthò dỗ namỏghĩ-nãkhĩ sa htame mẽtề? Hẽ ma ta wa èrũ, hẽ ma ta wa ètề na do doanĩ na mỏghĩ-nãkhĩ bã grã bã mo prèthãlề. Khònỗhỗ numẽ tarĩamãõhaõ(tasitana) dõ-i naklề ô na thãkhãdềdỗ. È thỏjũ mapẽ na mẽbũ na bã mapẽ nã,” è do rũ.

Ènỏkỗtani, Caino ka èpũ Abel dỗ è do rũ, “Lề... pa lềwe ô mikã wò,” è do rũ. Bã è tỗlề rũkhỗ ô mikã òkhĩnu, è lèmathĩja èpũ. Bãnũ, Bicā lề nã, “Caino, napũ Abel ò wa-ã?” è lề rũ. Caino dothã Bicā, “Hẽ thĩjã haõ. na do wa hẽ mẽ pra kề-i hẽpũ ò?” è do. Bicā dothã ènã “Khònỗhỗ napũ èthũ ò ô hãla dỗ èjĩhỗkahỗ hẽ. na pũ èthũ numẽ, hã cĩ-ijaghlỗhtỗ èta ècã na bã tasũgề. na sôlò-ã tamũtapã numẽ è thỗ rĩ nĩpe na haõ. nataphỗtathã nulễ è thỗ phỗhỗthãhỗ nĩpe na haõ totõ. na numẽ na thỗ ò tusutisĩ bã dỗ na thỗ sahtũsalò bãja tara” è do rũ.

Caino dothã Bicā, “Hẽ thỗ ò tusutisĩ bã dỗ hẽ thỗ sahtũsalò bãja tara doanĩ mẽ kỏjỗ kễhtĩ hẽ depe è thỗ mathĩja prề hẽ kễu,” è do.

Bicā do thã ènã “Kỏjỗ bã mathĩ thềdề na haõ. Mathaka kỏjỗ cõ mathĩ na haõ nu, hẽ thỗ manã-i na,” Bicā do nã. Bãnũèkhĩ, Bicā manã-ija nã dỗ è cỗ saħỗja ô Bicā ètromo.

6. Bicā Dōma Noah Thōklīdū

Bă kòjǒ ōa-parō hō ô hākhū èkhī nu, è ma tara takhōwè-khōkhă rûkhō. Ètakhōwè-khōkhă mē è dūhō tani htō tani ècǎ, Bicā kē dǒ è nāthu, “Eh...hě bolò kòjǒ tikī hě bolòhtī bolòtō tara nārûkhō. È ma thòblathòjū tara hě. Hě thō cîrōthījalô bû nārûkhō wa htī. Hě thō acūplǒja bû dōkăhākhū,” è nāthu.

Bănűekhī mē, kòjǒ ō tara èmi mē Noah. Èphûmākhō ō thòthű. Ènā mē è òtē-òmò ô Bicā ètromo. Bicā mā-i nā dǒ è ma-i Bicā.

Tinitathă, Bicā do nā, “Noah, khònōhǒ èkhī bāhtǒ wa hě thō cîrōthījalô kòjǒ. Kòjǒ mē hau, taphûтали ô môla mē hau, taphûтали ô hākhū mē hau hě thō cîrōthījalô nā wa htī rûkhō. Měbû na mē mathaka hě cô malűhōge na dǒ naphûnāmă nu, ma thōklīdū takhū. Èlě betè, èhtű betè numē hě sōba-i na,” Bicā do nā dǒ Noah ma thōklīdū takhū.

7. Bicā Madű Bôgho Htī

Bă Noah mahtǒ thōklīdū èkhīnu, Bicā robāsīthă thòdǒ nā taplāpe dǒ è do rû, “Noah, khònōhǒ numē èkhī bāhtǒ wa hě thō cîrōthī jalô taphûтали ô hākhū kűtômō wa htī: kòjǒ dǒ taphûтали kűtagā; èbi, èblò dǒ jū-htű ô môla mē hau. Měbû na numē, hě thō ma na wa hě talǒghlò. Khònōhǒ kanī namă, naphû, nadē dǒ taphûтали kűtagā. Taphûтали ha èrîècǒ nutoō mē tamō mē ka nā něphű něphű. Měbû taphûтали ha èrîècǒ haō nutoō mē tamō mē ka nā taphûtaphű nă dokêu kanujalô nārûkhō ô nathōklīdū èkű. na dǒ namă, naphû, nadē ènăkhī saāsaphǐ mē hau, taphûтали kűtagā ènăkhī saāsaphǐ mē hau, bėnu ũnā jalô ô nathōklīdū èkű. Matètèdomē èbò depe nēni numē hě thō ma gu ghā dǒ ghā thō gu depe nilīsī thălīsī èkű,” Bicā do nā. Noah nulě Bicā do nā ètē è ma.

Bă Noah dǒ èmă, èphû, èdē dǒ taphûтали nu lôhtǒ ô thōklīdűkű èkhīnu, Bicā htǒbīnīja èthōklīdű èthăkhă. Bănűekhī, ghā gulò mēmē. Ghā gu lòtehtī-lòtekla nilīsī thălīsī èkű dokêu htīdű bôghobī jalô khōlǒ kűtarawā. Bănűekhī, kòjǒ dǒ taphûтали kűtagā thī jalô. Měbû Noah dǒ èmă, èphû, èdē dǒ taphûтали ha è nuka-i rû ô èthōklīdűkű nutoō ō htűpra to tara.

8. Noah Dǒ Èphû-Èmă-Èdē Dǒ Taphûтали Sahǒthă Ô Khǒ

Bă ghāgu htǒ nilĩsǐ thǎlĩsǐ èkhĩnu, Bicā thĩnāi Noah dokēu è matha rĩli dǒ rĩli thasilǒja htĩ tikĩ tikĩ dǒ khǒlǒ lihǒthă tāma htǒ tāma. Noah èthǒklĩdũ mē è lèotǒja ô khǒlǒ tama èkhũ.

Bǎnũ èkhĩ, Noah bǒhǒ thǒklĩdũ èthākhǎphũ dǒ è phũplēlè cowă tabā mēbũ cowă hanu tabā gebā pe Noah haō. Noah phũplēlè thǒdǒ htũlicò tabā dǒ htũlicò hanu tabā ge āco-i thǒlā kālă tabā. Ō thǒdǒ nēni dokēu Noah phũplēlè thǒdǒ htũlicò hanu tabā mēbũ htũlicò hanu tabā gebā pe Noah haō.

Bǎnũ, Noah thĩjǎi wa htĩ thiwilǒjahtǒ dokēu è bǒhǒ thǒklĩdũ èkhũdǒ dǒ è kēhtĩ mēmē htĩ thiwilǒja. Bǎnũ èkhĩ, Bicā do nā, “Noah...kanĩthă namă dǒ naphũ, nadē dokēu sahǒthǎlǒ ô khǒ. Mathaka taphûтали cǒ lǒlēblēsũthă nu, î-hǒthă lô nā ô khǒ rũkhǒ,” è do rũ. Noah nulē Bicā do nā ètē è ma.

Bă Noah dǒ emă, èphũ, èdē dǒ taphûтали sahǒthǎlǒhtǒ ô khǒ èkhĩnu, Noah thĩjǎhǒge Bicā ètarĩtamo ènākhĩ è ma taluhǒi ègholā. Htǒtǒkhǒ, è phĩ taphûтали ha èrĩecǒ nutoō, tamō mē tadǒ tadǒ dǒ htũ numē tamō tabā tabā dokēu è sũghè luhǒi rũ wa Bicā.

9. Bicā Ma Noah Wa èTalōghlò

Bă Noah dõ òmă, èphû, èdē dõ taphûтали kûtagā ô ô thōklidû kû hōgethă lôhtõ ô khõ èkhînu, Noah thîjăhōge Bicā ètarîtamo dokēu è ma talu ègholā dõ è luhõ Bicā. Bicā thòjûni Noah ètalû dõ è nāthu, “Hajôtani cõlě, hě thõ cîrõthî pe thèdè taphûтали ô hăkhû haõ. Hajô tani cõlě mē tasôlò tamûtapā dõ taphîgethă èphòèthā èkhî, ghārõ dõ ghăghû èkhî, dēbăkhû dõ sunîlò èkhî, lumûna dõ lumûsă èkhî numē è ô lo towă,” è nāthu thakajô.

Htõtòkhõ, è suri Noah dõ èphûeli, “Ô-a parõ lölēblēsũ. Ôbēhõ wa dõkă-hăkhû thăbā,” è do rû. Htõdokēu è mālò thõdõ rû, “Khònõhõ taphûтали kûtagā mē hě lalò lô ô thîcuděkũ. Thaka thî ā dā lô talā, taphõ-tathā nu, thî ā dā lô nā. Mēbû mathî komā kòjõ komā,” è do rû.

Bă è do htõ rû thakajô nu, è ma thõdõ rû wa ètalōghlò, “Khònõhõ thî mē hau, thî phûhtîligû dõ taphûтали ha è hõgûthă lô thî ô khõ khònõhõ nutoõ mē hau, hě thõ ma thî wa hě talōghlò. Hě talōghlò mē thakajô, “Hajô tani cõlè, hě thõ cîrõthî pe thèdè taphûтали ô hăkhû wa htî haõ. Kòjõ mē hau, taphûтали kûtagā mē hau, hě thõ cîrõthî pe thèdè nărûkhõ wa htî haõ. Hě talōghlò ètamanāi mē, hě thõ malihõ tōpòlò ô taütökă. Bă hě kēhtî tōpòlò lihõ ô taütökă èkhînu, hě thõ nāthuhõnithă hě talōghlò ha hě mā wa thî dõ thîphûhtîligû dõ taphutali ha è sahõgûthă lô thî ô khõ nu,” Bicā do nā thakajô.

10. Babylon We

Bă Noah èphûlihtîgũ ōa-parōhō ô hākhũ èkhīnu, è robā tara jō wa tamō nă dokēu è ma tètètě mē èta èdũhō htũhō rũkhō. Bă è salè klè rũkhō ô lumũhō nu takhō èkhīnu, è tōlè rũkhō ô Babylon èghā ô ghādũghāpe hũ tapē.

È lè ōdă rũkhō wanu dō è lò do rû, “Mathaka pamipakhă cô dũhō htũhō, pa cô ō prīsĭ-prōjûja rû ô hākhũ thăbā haō dō ōplō-sōplō rû wa tamūtapri nă nu, masò hā dokēu bohō wa wedũ tawe dō Bicā lò ènākhĭ ègholā mē, mahō htōlōdũ nā wò,” è lòdo rû dō è ma rũkhō.

Měbû bă è ma mopě èkhīnu, Bicā kēlò nārũkhō dō è do, “Kèkē kòjō hanu toō! È robā tara jō wa tamō nă dokēu è ma tètètě numē è lònidũ rû dō èta dũhō htũhō. Hajô mē èthăhtĭlũ tara mopě pōdă. Ènōkō depe mē è thòjũ ma tètètě è thō ma dō èta thō dũhō htũhō mēmē rũkhō. Mathakanuècă, mathaka è cô lòkènāthĭjăi gō rûtarobā haō nu, lò ma côklĭja èjō,” Bicā do dō è lò ma coklĭja rûjō rũkhō. Bănũèkhĭ, tara dō tara è lòkēnā thĭjăi gō pe rûjō haō ècă, è ma htũhō dă pe we hanu tawe haō. È sa dō ō prīsĭ-prōjûja rû ècă, kòjō doja we hanu tawe èmi wa Babylon.

11. Bicā Ka Abraham

Ō Babylon èghā Urā wekū numē, kòjō ō tara èmi mē Abraham. Tinitathă Bicā ka nā dō è do rû, “Abraham...laja nahtînaghā khōnōhō hajô dō nasūnakhō dokēu lè ô htîghā ha hě sōba-i na depe nu taghlò. Hě thō ma ō-aparō lōlēblēsū naphûlihtîgū. Hě thō suri na dō ma dūhō naminakhă. nakhūnacă kòjō thō nibā tasuri. Hě thō ma-i kòjō ha è ma-i na nu toō. Mēbû kòjō ha è makhōbā na nu toō mē hě thō makhōbā dōu nā. nakhūnacă hăkhūphûli thăghāla thō nibā hētasuri,” è do rû.

Abraham nulē, è laja èhtîèghā, èsūèkhō dokēu è kani tara èmă Sarah , èphūdū Lot, ègūphû dō taphûtali ha è phîni-āni ō Urā wekū nu dō è cō lè. È lè lè dokēu è tōlènu ô Canaan èhtîghā.

Bă è tōlè ô thōmūdū tamū èkōhtî èkhînu, Bicā robāsî thōdō nā taplāpe dō è do rû, “Abraham, htîghā hajô taghā mē hě thō î wa naphûlihtîgū depe taplā,” è do rû. Bănū, Abraham mahō talu ègholā dō è luhōi wa Bicā. Bănū cōlè Abraham sa dō ōhtū-ōlò ô Canaan èhtîèghā taghlō htō taghlō.

12. Bicā Ma Abraham Wa Talōghlō

Bă Abraham ō ô Canaan èhtìèghā èkhīnu, Bicā lihōni nā dǒ è do rû, “Abraham...sisă komā, bājōi komā. Hě thō kētūi-rōhǒja-i na ô tapōtasă èkă dǒ hě thō î na taōcǎdǎbē depe,” è do rû. Abraham dothă Bicā, “Kô Bicā, na thō î hě taōcǎdǎbē na do mē hǒ thō kēima-i tholè? Hěphûhēli ō prē haō lè. Na ma ō prē hěphûhēli haō lè. È ō mē tara hěgûphû Eliezer hajô tara. Na î hě doanî hě bā î kēima-ithă tara prē nā depe kēu,” è do Bicā. Mēbû Bicā dothă nā, “Nagûphû Eliezer bā kēima-i thèdè nataōcǎdǎbē haō. È bā kēima-i na taōcǎdǎbē mē naphû ha nathūnahtī nācē nu tarā,” è do rû.

Bănűekhī, Bicā ka sahō nā ô khǒ dǒ è do rû, “Kèhō ô môla dǒ thu sā hanu! Naphûhtiligû mē, è thō lōlēblēsű, ō-a ōrōhō thāka sā depe hanu,” è do rû. Abraham nulě è jūā Bicā dǒ Bicā lalò nā thaka pratēpramò tara nu. Htǒtòkhò Bicā do thǒdǒ nā, “Mathaka hě cô î na htighā hajô nu, hě kasahō na ô Babylon ghā, Ură wekű,” è do rû. Bănű, Abraham dothă Bicā, “Mathaka hě nibā htighā hajô hǒ do numē hě thō thījăi mathakatè?” è do rû. Bicā dothă nā, “Mathaka na cô thījăi nu hě thō ma na wa talōghlò. Phîlè taphûtali ha è ōhtǒ thūdē nu toō. Pūmō tadǒ, pēmō tadǒ, thǒ tadǒ dǒ htūlicò ghibā,” è do rû. Abraham nulě Bicā do nā ètē è phîlè taphûtali hau toō dokēu è phrēphòpā rû wa ghikhǒghikhǒ dǒ è bēlò rû cī takhǒ htè takhǒ. Mēbû htūlicò hanu ghibā mē è phrēphòpā rû haō, è bēlò thăbā tara rû cī tabā htè tabā. Lelǒta thō lò ā èta dǒ è wű saja rû.

Bă lumūha ghākhi èkhīnu, mīghèlōpo tahtū dǒ mīkhū taphā lihō ô tajāplārû dǒ Bicā dolōghlò Abraham, “Hě thō î naphûhtiligû ètaōcǎdǎbē ǒ Egypt èghākòhtī cǒtô ô Euphrates èhtīlo nu thăghāla,” è dolōghlò ru thakanu.

13. Abraham Dõ Ègũmõ Èphũ Ishmael

Bã Abraham dõ Sarah prālòhtõ èkhĩnu, èphũèli ò nõ rùkhõ dãra haõ. Sarah mẽ, è gũmõ ò tara dokẽu è do Abraham, “Bicã mẽ è thõ î towã hẽphũhẽli haõ dokẽu ògũ bì hẽgũmõ hajõ thālẽwa ènã èkhũècã hẽ tha nibã hẽphũhẽli depe khõnõ,” è do rũ. Abraham nulẽ è kẽnã èmã Sarah èjõ dõ è ògũ ègũmõ hanu tara dokẽu èphũmãkhõ òlò tara dõ è htõ rũmi wa Ishmael.

Mẽbũ bã Abraham bò dẽ khĩsĩ dõ khĩdẽ èkhĩnu, Bicã robãsí nã dõ è do rũ, “Hẽ mẽ taedũ na Bicã. Hẽ thõ ma na wa hẽ talõghlò. Hẽ thõ suri na dõ hẽ thõ ma ò-aparõ lòlẽblẽsũ naphũlihtĩgũ. Namã Sarah nulẽ hẽ thõ suri dõu nã. Hẽ thõ ma nã wa kòjõ mõmõ èmõ. Ènã èkhũècã na thõ nibã naphũmãkhõ depe tara,” è do rũ.

Mẽbũ Abraham nu è nãthu dõ è do, “Hẽ mẽ hẽprã htõ, Sarah mẽ èprã htõhtõ prèthālè paphũ thõ ò dã mopẽ kèsõ ò?” è nãthu dõ è thõja. È dothã Bicã, “Na bã î hẽ tasuri ètalõghlò doanĩ lanibã tara bì wa Ishmael hanu,” è do rũ. Bicã dothã nã, “È bã ma thèdè thaka-u haõ. Sarah thõ phũgãi naphũmãkhõ tara dõ na bã do èmi wa Isaac. Ènã mẽ hẽ thõ macẽmaghlõ hẽ talõghlò ô èkhũ. Hẽ thõ suri nã dõ hẽ thõ ma lòlẽblẽsũ nã,” Bicã do nã thakanu.

14. Isaac òlò

Tinitathă, bă lumūsă ghāghūghāmè èkhīnu, Abraham sīnǎ ô ècǎ thākhādēdǎ dǎ è kēlēgū klè dokēu è kēlēhtī htītēmě thòthǔ dǎ è plēlēsū rû. È lè hulò ô rû tromo dǎ è do rû, “Ge...ge òdă gū rī hě rûkhǎ. Mathaka thǐ cô acōplǎ thǐ khǎdē nu hě phīlèni thǐ htǐ. Hě kǎ wa thǐ lèbā hě haō mēbū khǎthòdǎ dǎ ge ā ge ǎ bā rī hě,” è do rû. Htītēmě hanu thòthǔ dothă nā, “Thakā na do ètēnu maprē haō wò,” è do dǎ è gegū rû.

Abraham gebā èmă Sarah ô cǎkǎ dǎ “Phī bugōmū hanu dǎ ma wa thokô,” è do rû. È cǎ plèlè thǎdǎ ô pūpokǎ dǎ è lè phī pū wa èbūèthū khlǎ nu tadǎ dokēu è gē-i wa ègūphū dǎ è gūphū asūaphǎ. Htǎdokēu, Abraham phī thokô, pūnūhtǐ dǎ pūjā hau dokēu è lè bēlòni wa htītēmě hanu toō.

Bă htītēmě hanu thòthǔ ā-ǎ èkhīnu, è lè Abraham, “Namă Sarah ô wa tē?” è lè rû dokēu “È ô ô cǎkǎ hanu,” Abraham dothă nārūkhǎ. Bănǔ èkhī htītēmě hanu thòthǔ èkǎ tara do Abraham, “Depe ènǎkǎ tadē bă thakajô èkhīnumē Sarah thǎ phūgāi èphūmākhǎ tara,” è do rû. Bănǔèkhī, Sarah ô ô cǎkǎ dǎ è kēnā hǎ dokēu è nāthu, “Eh... mē pa prāhtǎ prēthālè paphū thǎ ô dā mopě kēsô ò?” è nāthu dǎ èthòja. Bănǔ, htītēmě hanu thòthǔ èkǎ tara do Abraham, “Mē ‘pa prāhtǎ prēthālè paphū thǎ ô mopě kēsô ò’ Sarah nāthu dǎ è sa thòja mètè? Bicā ma dā ta haō mē è ô tagāgā ò? Thaka hě dohtǎ ètēnu ènǎkǎ tadē thakajô èkhīnumē Sarah bā phūgāi èphūmākhǎ tara,” è do rû.

Bă èbò tadē nu, Bicā do ètē Sarah phūgā-i èphūmākhǎ tara dǎ Abraham do èmi wa Isaac. Isaac èrièkǎ mē “taja”. Bănǔ, Sarah do, “Eh ..Bicā ma jahtǎ hě. Kòjǎ èkhōra bā kēnāhǎ taritakǎ thakajô mē è thǎ jagū dǎu hě,” è do thakanu.

15. Abraham Luhō Bicā Wa Èphû Isaac

Bă Isaac ōhtō dēsīsā nu, Bicā thòjū thîjăi wa Abraham ètama-i nā dokēu è ka Abraham dō è do rû, “Abraham, kanī naphû Isaac ha na moighutū nā nu tara dokēu lèsûghè luhōi nā wa hě ō khōlōkhû ha hě jûni na depe nu tama,” è do rû. Abraham nulë Bicā do nā ètë ènōkō tani è sathèrè rothō, è phîni cūphāhtī dō è kanī èphû Isaac dokēu è cōlè rûkhō. È lè...lè dokēu bă è lèhtō thūnithūthă nu, è tōlè rûkhō ô khōlō ha Bicā jûni nā nu tāma èlōla.

Bă è hō rûkhō khōlō hanu tama èkhīnu, èphû Isaac lè nā, “Kôphă, cū mẽ è ōhtō, mī mẽ è ōhtōhtō mẽbû taluhōi ènākhi thōphû ō wa-a tē?” è lè rû dōkēu, “Bicā prōunā to depe nī khō,” è dothă èphû.

Bă è tōhō rûkhō ô khōlōkhû èkhīnu, Abraham ma talu ègholā dō èbēhō rû wa cū. Htōdokēu è acō èphû Isaac dō è bēhō rû ô cū lākhû. È behō htō dō è thō phlōthī rû. Mēbû bă è jò mopě ècudě èkhīnu, Bicā ètrānăphû ō ô môla kalò nā, “Abraham... Abraham...” è do rû. “Hě ō hajô nī Bicā,” è do thă. Bănűèkhī Bicā ètrānăphû do nā, “Tēbā thèdè komā pîgā mākphōphû hanu tara komā. Khōnōhōnumē na mā-i Bicā betè, na jū Bicā dō na kēnā èhűějō betè numē hě thîjăihtō,” è do rû.

Bănűèkhī, Abraham kēhtűkēlò dō è kēgòhtī thō tadō èno gomè-i jatō ô còkròkă. È lèphī rû dō è gemāthī rû dokēu è luhō wa Bicā, èphû Isaac èplō.